

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（217）



國家圖書館出版社

中國地方志佛道教文獻匯纂·寺觀卷
江西省 南昌市

新建縣志

清·承霈修 杜友棠 楊兆崧纂
清同治十年（一八七一）刻本


疆域全圖


東北鄱陽湖陽縣界
至省一百三十里

東康山餘干縣界
至省一百一十里









新建縣志卷之七十

寺觀

玉隆萬壽宮在忠孝鄉逍遙山舊名遊帷觀卽許旌陽故宅相傳旌陽嘗以五色帷施黃堂諶母祠及仙去錦帷飛還故宅民因立觀南唐徐鉉書額宋大中祥符三年更今名宮內有逍遙閣明萬厯間重修又民人剷地得金龍玉簡各一今藏在鐵樹宮又宮內有倒栽柏卽旌陽手植讖云枝委地吾復興

國朝康熙二年道人徐守誠募修正殿諶母閣三清殿創

建玉皇閣募建三官關帝二殿邑人熊文舉有記乾隆
四年巡撫岳濬重修各殿並望仙樓偶來松下逍遙靜
廬以及宮門垣牆八年道人程陽昇募建周夫人殿三
十四年玉皇閣真君關帝二殿燬道人許來恪趙本逸
募建襄曰修有記嘉慶二年玉皇閣真君關帝二殿復
燬道人鄧合溱熊永雪募建里人創建文昌閣於三官
殿前八年道人胡合源萬合和募修山門望仙樓偶來
松下巡撫秦承恩有記道光元年周夫人殿燬道人喻
圓森周教浪募建曹師曾有記八年喻圓森周教浪募

修真君殿并建四圍阮牆巡撫韓文綺題緣倡首十四
年道人喻圓森鄒永栲募修玉皇閣十五年修誕母閣
十六年修夫人殿十七年改建文昌宮於倒栽栢旁邑
人梁溥龍有記二十三年修三清殿殿前建寶庫二座
二十四年修關帝殿二十八年修三官殿俱喻圓森鄒
永栲募緣繕葺

舊志

咸豐二年會城諸富商捐建儀門三座六年四月十六
日髮逆竄境神像悉被戕毀邑紳吳坤修捐貲重塑十
一年六月二十八日賊由安義突入焚玉隆宮正殿及

湛母閣夫人殿三清殿玉皇殿關帝殿三官殿全真堂
道院望仙樓呂純陽像蕩然無存同治六年南昌新建
紳士劉子潯夏廷桀呈請各 大憲飭闔省富商捐助
重建玉隆宮暨諸祠宇規制煥然一新

眼光殿在城內靈應橋嘉慶二十三年九月道人李松霖
募化創建同治八年六月住持鄒仰瞻添建文昌閣於
殿後

高岡殿在桃花鄉厚溪祀許旌陽金中丞光悌禱雨輒應
題有澤溢靈泉匾額

佑清寺一名上藍寺在崇梵坊初郡故子城西有蛟井在梁豫章王師葛鰓宅東南天監中龍鬬井中豫章王蕭綜造大佛鎮之鰓復於太清初捨宅名大佛寺唐開元閒改爲開元寺又貢院亦稱開元寺址有唐明皇銅像號真容殿大厯閒馬祖建道場於此大中閒燬後南平王鍾傳奏復建爲上藍院以居上藍山僧令超宋真宗時改承天寺政和閒改能仁寺明初以寺址勅南昌縣治遷寺於元故帝師殿一云卽鍾傳之故居景泰閒改名永寧寺爲祝釐之所

卷之二

十一

三

國朝順治閒巡撫張朝璘重修改今名釋源濬住持此寺
康熙二十五年募請藏經貯寶閣舊分十六寮今祇存

金粟華嚴興隆普惠普安大士畱香圓通普覺九堂

省志

府志乾隆五十五年不戒於火六十年寺僧廣梅等募化

重建嘉慶年閒巡撫秦承恩金光梯先福布政使陳預
先後修葺大殿更鑄接引佛並建東西廊房南邑黃中
傑有記

戒壇寺在佑清寺內唐開元閒建

東山寺唐慧禪道場宋大中祥符閒建明初併入永寧

浴室寺在佑清寺側馬祖沐浴處

道德觀宋建後廢入貢院觀移永寧寺後明邑人張位建
國朝道光間知縣顧麟趾斷爲本邑公業道人范達川增
塑老君騎牛象

灌園菴在三洲蘇圃林下偶談云蘇雲卿園後屬郡人宋
自適趙章泉題其室曰灌園菴

天花宮在狀元橋

護國菴在天花宮左

五顯宮在天花宮右

新書縣志

卷七

寺觀

四

襄垣縣志

卷七十一

四

延生福地在五顯宮右

湖心觀音亭水繞四圍遊觀最勝處

建德觀在易俗坊晉咸和閒建相傳南嶽紫虛元君魏華存修真處觀後塘內有魏夫人丹井井上有亭

國初以金逆之變傾圯康熙八年總督董衛國重修

祇樹林在德勝門內小教場道光三年住持僧靜亭重修
雷祖壇在省會北操廠西北道光乙未首事徐學元等同
道衲王元英募建甲辰秋燬復經朱國富等同元英勸
捐重建又雷祖壇一名響雲洞天在縣北吳城鎮壇中

有洗心泉降鞭亭斗姥閣道人陳陽修募葺康熙中建
大安寺在城北隆安二年鎮西將軍謝尙施宅爲之唐武
德間改名宣明寺大中間又改名普濟寺明初重建復
今額邑人熊洪度記咸豐七年古潭三溪謝氏重修
大悲院在縣治後釋一無改名天光院今名大士院
觀音寺在德勝門內

開元觀在修仁坊舊有唐滕王元嬰碑文爲天師萬振作
國朝康熙四年知縣魏雙鳳重建

睡仙觀在縣治北知縣魏雙鳳重修

嘉慶縣志

卷一

五

彭真觀在縣西卽宗華觀彭真人伉故宅晉義熙閒伉舉
家飛昇後人卽其地建觀謝康樂額曰宗華福地內有
丹井今名五臺巷

國朝順治閒撫軍張朝璘方伯王帝武總鎮岑應元重建
內有真武觀音文殊諸殿乾隆二十一年僧行廣重修
嘉慶十九年僧無性募化修葺

靈佑觀雍正閒巡撫布蘭泰建於院署西偏

東華觀在德勝門內仙市坊縣背招雲道院東華靜室

國朝康熙閒道人康一鶴募建嘉慶十二年巡撫金光悌